

堯山堂外紀

堯山堂外紀卷六十六

晉陵蔣仲舒編

宋金

章宗璟

喜文學善書畫宋徽宗嘗以蘇合油搜煙爲墨章宗僅購得一兩價黃金

一觔欲放爲之不能

章宗建梳粧臺於都城東北隅與李妃登焉得句

云二人土上坐妃卽對曰一月一邊明時皆以

警妙誇之

今京師禁中瑤花鳥梳粧臺皆金故物也臺今訛爲蕪太后梳粧樓

雲龍川泰和殿五月開牡丹章宗賦詩曰洛陽穀  
雨紅千葉嶺外朱明玉一枝地外發生雖有異  
天公造物本無私

燕京西七里有仰山峯巒拱秀中有平頂如蓮  
花心旁有五峯曰獨秀翠微紫蓋妙高紫微下  
多禪刹章宗游幸有詩刻石金色界中堦率景  
碧蓮花裏梵王宮鶴驚清露三更月虎嘯疎林  
萬壑風

章宗題扇蝶戀花詞曰幾股湘江龍骨瘦巧樣翻  
騰疊作湘波皺金縷小鈿花草闌翠條更結同  
心扣金殿珠簾開永晝一握清風暫喜懷中  
透忽聽傳宣須急奏輕輕褪入香羅袖

明昌初有劈橙爲軟金盃者章宗賦生查子詞曰  
風流紫府卽飲痛烏紗岸柔軟九回腸冷怯玻  
璃盃纖纖白玉葱分破黃金潭借取洞庭春  
飛上桃花面

馬嵬坡太真墓題咏甚多惟武功杜真卿一詩極  
爲婉麗揚柳依依水拍堤春晴芳屋燕爭泥海  
棠正好東風惡狼籍殘紅襯馬蹄遂城高德卿  
亦有詩曰事去君王不奈何荒墳三尺馬嵬坡  
歸來枉爲香囊泣不道生靈淚更多道陵詔錄  
馬嵬詩得五百餘首付詞臣第之真卿詩在高

等

杜名佺阜昌中登科  
高名有鄰大定進士

趙淵

字文孺時人以其書  
配堯讓英號曰堯趙

道陵中秋賞月瑤光樓召趙黃山對御賦詩以清  
字爲韻黃山賦曰秋氣平分月正明蒨珠宮闕  
對蓬瀛已驅急雨消殘暑不遣微雲點太清簾  
外輕風飄桂子夜深涼露滴金莖聖朝不奏霓  
裳曲四海歌謳卽樂聲道陵讀至落句大加賞  
異手酌金鍾以賜且呼其字曰文孺以此鍾賜  
汝作酒直士林榮之

僊和尚坐脫趙黃山題云識得從來覺性圓西歸

隻履更脩然。永嘉穩步曹溪路。臨濟飽參黃柏  
禪。桶底脫時無一物。機輪轉處有三玄。火中留  
得一莖草。依舊光明燦大千。

周昂

字德卿。開公嘗集黨承旨趙黃山路  
司諫劉之昂尹無忌王逸賓與德卿七

人詩刻木以傳目  
爲明昌詞人雅製

虞鄉麻氏構小齋榜曰醉經周昂爲題絕句云詩  
書讀破自融神。不羨雲安麴米春。黃卷至今真  
味在。莫將糟粕待前人。

完顏永貞金宗室也。時稱賢宰相。自號冷岩周昂  
爲賦。冷巖行曰。或爲孟。或爲鐘。人心自異。山本  
同。天清雲遠望不極。小孤宛在江流中。澗之毛  
可篋。筍山之木可斤斧。唯有白雪高崔嵬。風吹  
不消自太古。峴山何奇。羊子所攀。東山何秀。謝  
公往還。今爾胡爲籍甚乎人間。于差乎冷山。

田琢

字器之雲朔人  
明昌五年進士

明昌丙辰田器之從軍塞外合虜里山野舍不勝



荒涼春末有雙燕亦巢此屋士人不識屢欲捕  
之田曲爲全護其燕盡出夜歸日必開戶待之  
忽一日飛止坐隅都無驚畏巧語移時不去田  
意謂明日秋社此鳥當歸殆留別語也因作一  
詩贈之云幾年塞外歷崎危誰謂鳥衣亦此飛  
朝向蘆陂知有爲暮投茅舍重相依君怜我處  
頻迎語我憶君時不掩扉明日西風悲鼓角君  
應先去我何歸此詩以細字寫之爲蠟丸繫於

燕足上明年四月田受代歸又八年泰和甲子  
任潞州觀察判官四月十二日偶坐廨舍之舍  
翠堂忽雙燕至一飛簷戶間一上硯屏田諦視  
之繫足蠟丸故在乃知此鳥蓋往年贈詩者也  
因請同年龐才卿鑄畫爲圖求諸公賦詩才卿  
爲長歌曰田君才畧燕雲客少年累有安邊策  
悔從筆硯取功名直要橫馳沙漠北塞垣春雪  
白皚皚東風未放玄陰開烏衣之國定何許一

雙燕子能飛來三年驛舍安西道眼底鶯花無  
夢到忽見低飛入短簷此身似白邲鄆覺君居  
海東我中原相逢乃在穹廬前天涯流落俱爲  
客感時念遠空潸然長安何限高高閣晝夜風  
閑閑翠幕底事猜嫌不往依井從此地風沙惡  
土人嗜肉無仁心一生弋獵誇從禽有巢幸穩  
勿浪出汝身未必輕千金朝來暮去益昵狎物  
我相忘情意一但怪重裘積漸添元是西風催

社日須知音。巧惟鷓鴣。勿來坐隅。如告辭我方。  
留寓未歸。得爲君忍賦傷心詩。詩成自述聊爲。  
戲。繫足封之。亦無意。燕已歸飛。我未歸。乃斗聲。  
中。忽驚歲。旄頭夜落。妖氛收。嫖姚獻凱歸神州。  
玉關早喜。班超入北海。不聞蘇武留。君才經世。  
寧終枉幕府。須賢來上黨。別後歸期兩及瓜。人。  
間秋燕十來往。沉沉官舍紅芳稀。葛衣燕居澹。  
忘機。忽聞巧語入簾戶。大似相識來相依。一飛。

東山先生集卷之十一  
簷外窺庭樹一上屏山驚不去解足分明得帛  
書真是當年留別句天生萬物最微固耶偶  
耶吾不知古道益遠交情醺朝恩暮怨雲遷移  
當時握手悲別離一旦富貴棄如遺聞予燕歌  
應自疑慎無示之嗔我譏楊之美雲翼詩云危  
巢客舍久相依常記西風社日歸海國傳心千  
驛隔塞垣回首十年非新詩尚在人空老舊夢  
無憑鳥自飛寄語齊諧休志怪沙鷗相款解忘

機李欽叔獻能詩云塞上風光已十霜仁心履  
護獨難忘當時相送詩仍在此日重來話更長  
客舍花開新信息雲堦香冷舊昏黃主人得報  
君知否千古珠璣在錦囊

孫鐸

字振之恩州人  
大定十三年進士

明昌中孫振之擢戶部尚書時已有相望及考滿  
以戶曹繁重未有可代者特旨進一官再任而  
同列二人俱入相矣振之賀席中戲舉青州老

柏院布衣張在詩云南鄰北里牡丹開公子王  
孫去不回惟有庭前老柏樹春風來似不曾來  
爲御史所劾降授同知河南府事有以詩送之  
者云想到洛陽春正好南鄰北里牡丹開聞者  
皆大笑

李純甫

字之純承安中進士性嗜酒未嘗一

後人有發其談端者  
脣河瀉江無有窮竭

李屏山中歲徧觀佛書能悉其精微嘗賦其雜詩

云顛倒三生夢。飛沉萬劫心。乾坤頭至踵。混沌  
古猶今。黑白無真色。宮商豈至音。維摩懶開口。  
枝上一蟬吟。乾坤大聚落。今古小朝昏。諸子  
蠅鑽帝。羣雄虱處禪。一心還入道。萬物自歸根。  
却笑幽憂客。空招楚些魂。丹鳳翔金鼎。蒼龍  
戲玉池。心源澄似水。鼻息細於絲。枕上山川好。  
壺中日月遲。神仙學道者。那許小兒知。空譯  
流沙語。難參少室禪。泥牛耕海底。玉犬吠雲邊。



仰嶠圓茶夢。曹山放酒顛。書生眼如月。休被衲  
僧穿。狡兔留三窟。獼猴戲六窓。情田鋤宿草。  
心月映澄江。酒戒何曾破。詩魔先已降。雄蜂雌  
蛺蝶。正自不成雙。

屏山學佛自史舜元發之張伯玉高獻臣二人並  
不平禪解張有登樓詩云昨日上高樓西山翡翠  
堆今日上高樓西山如灰想見屏山老瘵  
飢西山隈食却西山色高樓空崔嵬高有壺溪

詩云我觀壺盧溪未易以蠡測大若溪上翁有  
口吸不得壺中別是一洞天溪上翁卽壺中仙  
畢竟人間無着處杖頭挑取屏山去屏山乃作  
爲蟬解朝詩曰老蜨破衲染塵縑轉丸如轉造  
物兒道在矢溺傳有之定中幻出嬋娟姿。金仙  
未解羽人尸。吸風飲露巢一枝。倚杖而吟如惠  
施。字字皆以心爲師。千偈瀾翻熱了時。關隄不  
落詩人詩。屏山叅透此一機。髣髴弟皤兄何見疑

此理入玄人得知。髯弟怒我食却西山秀。蟠兄  
勸我吸却壺盧溪。因蟬倩我問渠伊。快掉葛藤  
復是誰。髯弟絕倒蟠兄嘻。

屏山題真味堂曰。問渠真味若爲言。不着鹽梅也。  
自全。鼂鼎大夫徒染指。麴車公子漫流涎。胃中  
已有五千卷。徽外更聽三兩絃。此老清饒何所  
嗜。宦名嚼蠟已多年。

許古

字道真承  
安中進士

許道真在宣宗朝以直言極諫稱哀宗卽位首命  
驛致之過少室賦詩曰老病無堪合退休伊川  
久已得菟裘如今又上長安道好被青山笑白  
頭未幾乞身還伊陽郡守爲起伊川亭

道真性嗜酒每乘舟出村落間留飲或十數日不  
歸及泝流而上老稚奔走爭爲之挽舟數十里  
不絕嘗賦服兒帽詞曰濁醪筍得玉爲漿風韻  
帶橙香持盃笑道鵝黃似酒酒似鵝黃世緣

老矣不思量。沉醉又何妨。臨風對月。山歌野調。  
儘我踈狂。

王或字子文自號照了居士  
後改名知非字無咎

崇寧間王子文棄官去往來登封盧氏山中初出  
京有詩云親踈俱穩人倫了婚嫁齊成俗意周  
一筆盡鉤塵債斷都無虧欠大家休休休愛  
着何時是徹頭風息浪平人已渡笑携明月下  
孤舟

太原助教張世寧既卒神降其妹歌曰休  
休休偷得休時便好休歡喜冤家無徹頭

與或詩  
頌云

王子文居廬氏山二十年布衣蔬食并曰自親時  
人哀苦之而子文處之自若有詩云撒手寧論  
萬丈崖脚跟未肯點塵埃東君也自魔君數故  
着青紅眼底來來何遲去何早二五不多十不  
少一聲柄木徧虛空誰識堂堂真照了。

王子文旣學佛作決定歌禪家以爲證道新豐之  
後無有及者贈安居士國寶云不招措大喚不

喚王子文不惹禪和笑。不名王照了。他人怕人嫌。照了要人嫌。人人有面樹。有皮努力方便勤粧嚴。粧嚴也由賢。不然也由賢。鼻孔莫遣他人穿。又荅國寶云。幻人誰拙。復誰能。遊戲何妨。傀儡。傀儡。凡事不堪。君莫怪。儂家面目得人憎。

董文甫

字國華。自號無事道人。與王大用。良臣皆潞人。同舉承安進士。

董國華題審是堂云。按劍人人駭。夜光蜀鷄合道勝。鸞凰飛蛾可是無。分別直道。油燈是太陽。

正大中董國華以公事至杞縣自知歿期作書與  
家人及同官又作詩貽杞令佐詩畢擲筆於地  
以扇障面而逝其詩曰無情真主沒錢僧送上  
城南無事人檢盡傳燈無盡錄更無公案這番  
新 生有地歿有處萬牛不能移一步一輪明  
月印天心此是渠儂住處住 白髮三千丈紅  
塵六十年只今無見在虛費草鞋錢 今古一  
輪月分明印碧霄門門蟾影白處處桂香飄不



起眼中暈。何勞指上標。真空輝照破。歸去杖頭  
挑。

王大用作詩以敏捷稱。八翰林與李欽叔善。從軍  
南征。二人酬唱甚多。大有詩曰。薔花冉冉密  
脾香。禾穗纍纍鵲眼黃。一縷晚烟吹不去。爲誰  
着意護秋霜。欽叔愛之。

王大用九月七日詩曰。紫霜零落帶孤禽。平楚蒼  
蒼秋意深。月過初三半。梳玉菊迎重九。滿籬金

天憐病骨。商量煖雲。促歸程。會計陰風。鴈飛來。  
更瀟洒。一枝蘆雪。印波心。

麻九疇

字知幾。莫州人。三歲識字。七歲能草書。作大字有及數尺者。

麻知幾嘗爲郾城張伯玉賦透光鏡。李欽叔傳至京師。趙禮部大加賞異。貼壁間坐卧讀之。其辭曰。太陰淪魄。元不耀。太陽分光。成二曜。嗚呼怪銅盜此幻。透影在壁與背肖。奩開燿燿光走庭。劃如剗犀乍脫鞘。泓渟秋落百丈潭。疑有龍向

天門跳。秦娃漢婉化鴛土。寵雨恩雲埋鳳詔。當年椒塗鑑桃李。身後泉臺映蓬碧。枕簟無情草木香。笙歌不暖臬狐嘯。觸體一醜不再妍。不知持此將安照。萬斛珠璣委俑人。喚得偷兒成鬼剽。借問金椎一控時。何如海上青蠅吊。壽如金石佳且好。此銘此篆兩奇峭。今誰子後曩誰先。贏得紐樞經蟻竅。千古繁華一夢醒。恍然入手稱神妙。丹砂色紫翠羽青。萬金難買人年少。君

侯新自洛陽來。玉臺人物今溫嶠。相看大笑古  
人癡。收鏡入奩還自笑。

麻知幾冬夜彈琴有懷。山中人因賦長篇曰。門前  
雪垂垂。室中理朱絲。手按十三徽。心飛天一涯。  
故人渺何許。萬里驚鴻飛。試憑朱絲語。一聲聲  
亦悲。一彈雪欲落。再彈雪正作。只在此山中。故  
人今憂樂。我欲彈文王岐山雲。渺茫我欲鼓曾  
子無田可耘耔。道遠望不及千山。復萬水。思君

復思君。正恐須髯。蟠后變若不來。奈此宮商何。  
春風早晚起。百鳥喧庭柯。時携一尊酒。爲君奏  
雲和。

明昌承安間以神童稱者五人。太原常添壽四歲  
作詩云。我有一卷經。不用筆寫成。展開無一字。  
晝夜放光明。合河劉文榮。滋七歲有詩云。鶯花  
新物態。日月老天公。益都劉伯祥。微七歲道陵  
召入宮賦鳳凰來儀二首。稱旨。又應制賦春柳。

云翠細圓勾線線輕着行排立弄新晴更看三  
月春風裏散作飛花滿鳳城張世傑漢臣五六  
歲亦召入賦元妃素羅扇畫梅云前村消不得  
移向月中裁其後常隱居不出餘三人者皆無

可稱道獨知幾能自樹立一時名重天下麻知

歲時章宗召見問汝入宮殿中亦懼怯否  
對曰君臣父子也子寧懼父耶上大奇之

王子可本軍校子年三十許大痴後忽發狂

事每遇文士則稱大成將軍于佛前則諦  
摩龍什于道則騁天玄俊于貴游則威錦

堂主人

南渡後王南雲居上蔡遂平郾城之間在郾城爲  
最久麻知幾張伯玉與之游最狎說其所作詩  
以百分爲率可曉者才二三耳射虎首句云風  
色偃蹇裘卽閣筆自戲云此虎來矣樂府云垂  
尖絃舌淡紅甜又自戲云欲下犁舌獄耶張伯玉名  
趙臨穎人嘗自言丈夫子娶非尚主官不至宰  
相不屑可也家既貴顯厚于奉養擊鮮爲具賓  
客日滿門窮晝  
竟夜卒以樂歿

張伯玉家畫慎宮人徐行以手整釵一鶴後隨謂  
之馴鶴圖伯玉請王南雲賦詩李欽叔常苦其  
不用韵限以釵來苔三字南雲卽援筆曰寢處  
粧釵未捲釵孤雲花帶月邊來六宮簾幕金鸞  
冷露濕晨烟啄翠苔

或傳南雲仙去事不可知  
其生查子云夜色明河靜

好風來千里水殿謫仙人皓齒清歌起  
金尊中後聲銀河底一夜嶺頭雲遠遍樓前水  
辭之飄逸高妙如此  
固謫仙之流亞也

王特起

字正之代州人  
泰和三年進士



王正之賦華山云三峯盤地軸一水落天紳造化  
無遺巧丹青總失真開開公屢哦此詩以爲妙  
有生第三子者王正之製喜遷鶯詞以賀之曰古  
今三絕惟鄭國三良漢家三傑三俊才名三儒  
文學更有三君清節爭似一門三秀三子三孫  
奇特人總道賽蜀郡三蘇河東三薛慶愜况  
正是三月風光盃好傾三百子並三賢孫齊三  
少俱篤三餘事業文旣三冬足用名卽三元高

搗。親俱慶。看寵加三命。禮膺三接。

正之又有喜遷鶯詞別側室云。玉樓歡宴。記遺簪  
綺席。題詩羅扇。月枕雙歌。雲窓同夢。相伴小花  
深院。舊歡頓成陳迹。翻作一番新怨。素秋晚聽  
陽關三疊。一樽相餞。留戀情。繾綣紅淚洗粧。  
雨濕梨花面。鴈底關河。馬頭星月。西去一程程。  
遠。但願此情如舊。天也不違人願。再相見。見老生  
涯。分付藥爐經卷。

鴈底關河。元人詞多用之。諺  
謂鴈飛不到處。也有改作

應字  
者謬

堯山堂外紀卷六十七

晉陵蔣仲舒編

宋金

密國公璘

字子瑜興陵之孫越王長子南渡後封胙國公正大初進封密所居

有樛軒又有如庵完顏宗室中第一流人也

密公字畫得於蘇黃之間參禪於善西堂自題寫

真曰枯木寒灰亦自神應緣來現胙公身只因

苦愛東坡老人道前身趙德麟

明昌以還諸王法禁嚴諸公子

堯山堂外紀卷六十七

皆不得與外間交通故子瑜得窮日力於書越  
王薨後稍得出游文士輩亦時至其門家所藏  
法書名畫幾與中秘等南渡倉卒公竇情因護  
與身存亡故他貨不得一錢著身公以此貪甚

密公得友人書詩以志喜曰聞有書來喜欲狂紫  
芝眉宇久難忘別離唯嘆我頭白詩句屢成君  
馬黃公幹羈棲猶洛下孔明高卧尚南陽冷官  
領取閑中趣遠勝區區夢蟻忙

金制國公祭山陵則佩虎符乘傳號曰嚴祭若上  
清儲祥宮若太乙宮五岳觀設醮上方相藍大

道場則國公代行香子瑜多預焉嘗有詩自戲  
云借來羸馬鈍於墻馬上官人病且症無用老  
臣還有用一年三五度燒香

密公漁父詞云楊柳風前白板扉荷花雨裏綠蓑  
衣紅稻美錦鱗肥漁笛閑拈月下吹釣得魚  
來卧看書船頭穩置酒葫蘆烟際柳雨中蒲乞  
與人間作畫圖

密公又有青玉案詞云凍雲封却馳岡路有誰訪

溪梅去夢裏。疎香風似度。覺來誰見一窓涼。月  
瘦影無尋處。明朝畫筆江天暮。定向漁簑得  
奇句。試問簾前深幾許。兒童笑道。黃昏時候。猶  
是廉纖雨。西江月詞云一百八般佛事二十四  
考中書山林朝市等區區。著甚由來自苦。過  
寺談步。般若逢花。倒箇葫蘆。少時伶俐。老來愚  
萬事安於所遇。臨江仙詞云。倦客更遭塵事冗。  
故尋閑地。婆娑一尊芳酒。一聲歌盧。卽心未老。

潘令鬢先皤 醉向繁臺臺上問滿川細柳新  
荷薰風樓閣夕陽多倚欄凝思久漁笛起烟波

死中

字枉之  
大興人

貞祐初术虎高琪當國專以威刑肅物士大夫被  
捃撫者笞辱與徒隸等醫家以酒下地龍散投  
以蠟丸服之則受杖者失痛覺此方太行於時  
苑極之有戲云嚼蠟誰知味最長一杯卯酒地  
龍香年來紙價長安貴不重新詩重藥方時人



傳以爲笑

李獻能

字欽叔貞祐三年以省元擢廷試第一從兄弟欽止欽若欽用皆中朝名

勝李故將種而同時  
四進士照映時

平州王飛伯鬱以布爲囊采當世名卿詩投其中

李欽叔題云穎露毛錐祇自賢。智如樗腹但求全。迂踈差似淵才富。羞澁猶無杜老錢。收拾珠璣三萬斛。貯儲風月一千篇。嘔心大勝奚奴錦。要與風人被管絃。

元光初李欽叔與元裕之在孟津辛敬之愿自女  
几來爲留數日其行也欽叔爲設饌備極豐腴  
敬之放筋嘆曰平生飽食有數每見吾二弟必  
得美食明日道路中又當與老飢相抗去矣會  
有一日辛老子僵卧柳泉韓城之間以天地爲  
棺槨日月爲含穢狐狸亦可螻蟻亦可二人爲  
之惻然嘗共游河山亭敬之賦臨江仙留別二  
人云誰識虎頭峯下客少年有意功名清朝無

路到公卿蕭蕭華屋。白髮老諸生。邂逅對床  
逢二妙。揮毫落紙堪驚。他年聯袂上蓬瀛。春風  
蓮燭。莫忘此時情。

趙元

字宜之號愚軒自稱十洲種玉犬誌經  
童出身以年及調鞏西簿未幾失明既  
病廢無所營爲萬慮一歸於詩故詩益工  
與陵川秦簡夫善簡夫名畧自號西溪老  
人

趙宜之爲鞏西簿泰和丁卯道出蒲東晉教寺僧  
舍所謂西廂者有唐麗人崔氏女遺照在焉因

命畫師陳居中繪模真像仍拾四十言題云並  
燕鶯爲字聯微氏姓崔非烟宜采畫秀玉勝江  
梅薄命千年恨芳心一寸灰西廂舊紅樹曾與  
月徘徊

貞祐之難愚軒賦鄰婦哭曰鄰婦哭哭聲苦一家  
十口今存五我親問之亡者誰兒郎被殺夫遭  
虜鄰婦哭哭聲哀兒郎未埋夫未迴燒殘破  
屋不暇葺田疇失鋤多草萊鄰婦哭哭不停

應當門戶無餘丁。追胥夜至星火急。并州運米  
雲中行。

秦簡夫贈趙宜之云年時見君行路難喜于長安  
新得官日來見君鄰婦哭驚似藍田尋得玉愛  
官愛玉樂有涯愛君之詩無盡期古人骨冷不  
復作主張騷雅非君誰

秦簡夫在上黨公府賦穀靡靡云穀靡靡青割將  
來強半糶。急忙舂米送官倉。只恐秋風馬塵起。

官倉遠在薺麥山。南梯直上青雲間。梯危一上八九里。之字百折縈廻環。憑誰說向監倉使。斛面莫教高一指。請君公路看擔夫。汗顆多于所擔米。

李汾

字長源。平生以詩爲專門之學。其所得爲多。

元光末。李長源用薦書從事史館。長源素高亢。時館中諸人率多新進。史家凡例未能盡知。長源正襟危坐。讀太史公左丘明一篇或數百言音。

吐洪暢旁若無人既畢顧四坐漫爲一語云者  
諸人積不平乃以嫚罵官長訟於有司踰年竟  
罷去坊州雷伯威一作作詩送之頗譏翰林諸人  
不能少忍至與一書生相角逐使狼狽而去有  
郎君未足留商隱官長從教罵廣文之句又云  
明日春風一杯酒與君同酌信陵墳人甚稱之

呂大鵬

字鵬舉

興定初有王世安者獻取盱眙楚州之策宣宗遂

有南侵之謀。密入呂鵬舉素以氣岸自許。作詩  
撼主兵者云。縫掖無由挂鐵衣。劍花生澁馬空  
肥。燈前草就平南策。一夜江神泣涕歸。

王渥

字仲澤。興定二年進士。以字行。

王仲澤登第後。調管司候。不赴壽州防禦使完顏  
邦獻商州防禦使完顏國器武勝節度完顏庭  
玉愛其才。連辟三府。經歷官在軍中。凡十年。嘗  
同元裕之從國器獵。賦水龍吟曰。短衣匹馬清



秋慣曾射虎。南山下。西風白水。石鯨鱗甲。山川  
圖畫。千古神州。一時勝事。賓僚儒雅。快長堤萬  
弩。平岡千騎。波濤卷魚龍夜。落日孤城鼓角。  
笑歸來。長圍初罷。風雲慘澹。貔貅得意。旌旗閑  
蹶。萬里天河更須一洗。中原兵馬。看鞭橐鳴咽。  
咸陽道左。拜西還駕。

正大七年。金與宋議和。擇可爲行人者。仲澤以才  
選。允再至揚州。制司驛亭有題詩譏其和事不

成者云來往二年無一事青山也解笑行人仲  
澤因爲解嘲云二年奔走道途間知被青山笑  
往還只向江南南岸老行人應更笑青山宋人  
愛其才有中州豪士之目

史才

字才長第學字學優並有聲太學時稱延安二史

史才長陪陳彥文謁筠泉榮上人詩云強隨禪客  
到西禪竹栢團青蔭石泉一首小詩吟不就閑  
情元在落花邊。

史學優正大中省試第一嘗客京師有所暮久而  
不歸其妻李作詩寄之云百年風樹底誰淚到  
君前學優得詩卽日命駕

元好問

字裕之號遺山元東巖德明子也始  
生七月出繼叔氏與定五年舉進士

金亡不仕兄  
好古字叔之

明昌承安間元東巖有聲場屋累舉不第放浪山  
水間春嘗一日不飲酒賦詩桃源行曰山中三  
月山桃開紅霞爛熳無邊涯山家藏春藏不得

落花流水人間來。憶昔携家竄巖谷。秦人半向  
長城哭。回頭塵土失咸陽。繒弋徒勞羨鴻鵠。冬  
裘夏葛存大朴。小國寡民皆樂俗。晝永垣籬鷄  
犬閑。春晴門巷桑榆綠。漁郎偶到本無心。仙境  
何緣得重尋。今日武陵圖上看。唯見雲林深復  
深。

元東巖生平愛鴈門。鳳凰山竟不一到。其詩曰鳳  
凰聞說似天壇。北去南來馬上看。想得松聲滿

巖谷秋風無際海波寒。

元敏之性識穎悟讀書能強記務爲無所不闕年  
二十就科舉時東巖公已歿其母望敏之立門  
戶甚切及再試不中意殊不自得又娶婦不諧  
日致惡語遂以捐介得疾嘗作望月詩云佳辰  
無物慰相思先賞空吟昨夜詩莫怪更深仍坐  
待密雲或有暫開時人或言詩境不開廣非佳  
語也敏之嘆曰吾得年不永境趣能開廣否未

幾沒于北兵屠城之禍

元遺山七歲能詩王擬擗稱爲神童稍長從陵川  
郝晉卿天挺學六年而業成下太行渡大河爲  
箕山琴臺等詩閑閑趙公見之以爲少陵以來  
無此作也以書招之於是名震京師目爲元才  
子箕山詩有云幽林轉陰崖鳥道人跡絕許君  
棲隱地唯有太古雪人間黃屋貴物外祇自潔  
尚厭一瓢喧重負寧所屑琴臺詩有云荒城草

木合破屋風雨侵。千年一琴臺。騰馬涕盈襟。遺愛食縣社。公寧不堪任。此臺卽甘棠。恐使無餘陰。又云千山爲公臺。萬籟爲公琴。變曠不並世。

月露爲知音。

興定初裕之始以詩文見聞公。公爲延譽諸公間。又五年乃得以

刊第出公之門。公力爲挽之。苟有不平者。謂公與楊禮部之美。雷御史希顏。李內翰欽叔爲元氏黨人。正大甲申。諸公貢裕之詞科。公爲監試官。以例不赴院宿。一日坐禮曹。欽叔從外至。誦裕之奏。王破竇建德。降王世充。露布公頗爲聳動。顧座客陳司諫正叔曰。人言我黨元子誠黨耶。

泰和乙丑裕之赴試并州道逢捕鴈者捕得二鴈  
一歛一脫網去其脫網者空中盤旋哀鳴良久  
亦投地歛裕之遂以金贖得二鴈瘞汾水傍壘  
石爲識號曰鴈丘因賦摸魚兒詞云問世間情  
是何物直教生死相許。天南地北雙飛客。老翅  
幾回寒暑。歡樂趣。離別苦。就中更有癡兒女。君  
應有語。渺萬里層雲。千山暮雪。隻影向誰去。  
橫汾路。寂寞當年簫鼓。荒烟依舊平楚。招魂楚



些何嗟。及山鬼暗啼風雨。天也妬。未信與鶯兒。  
燕子俱黃土。千秋萬古爲留待。騷人狂歌痛飲。  
來訪鴈丘處。同行蒲溪楊正卿。果和云。悵年年。  
鴈飛汾水。秋風依舊。蘭渚網羅驚破。雙棲夢。孤  
影亂翻波。素還醉與筭。古往今來。只有相思苦。  
朝朝暮暮。想塞北風沙。江南烟月。爭忍自來去。  
埋恨處。依約并門舊路。一丘寂寞寒雨。世間  
多少風流事。天也有心相妬。休說與。還却怕有。

情多被無情誤。一盃會舉。待細讀悲歌滿。傾清  
淚。爲爾酹黃土。樂城李仁卿。治和云。鴈雙雙。正  
分汾水。回頭生歎。殊路天長地久。相思債。何似  
眼前俱去。推勁羽。倘萬一幽冥。却有重逢處。詩  
翁感遇。把江北江南。風嘹月唳。并付一丘土。  
仍爲汝。小草幽蘭麗句。聲聲字字。酸楚。拍江秋  
影。今何在。草木欲迷隄樹。霜魂苦。筭猶勝。王。嬙。  
青塚真娘墓。憑誰說與。對鳥道長空。龍艘古渡。

馬耳淚如雨

大名民家有男女以私情不遂赴水歿後三日二尸相携出水濱是

歲此陂荷花無不並蒂者李仁卿賦摸魚兒紀其事云為多情和天也老不應情遽如許請君

試聽雙渠怨方見此情真處誰點注香漱澆銀塘對抹胭脂露橋絲幾縷絆玉骨春心金沙曉

淚漠漠瑞紅吐連理樹一樣驪山懷古古今朝暮雲雨六郎天婦三生夢斷幽恨從前須

會取共鴛鴦翡翠照影長相聚風不住悵寂寞芳魂輕煙北渚涼月又南浦仁卿此詞典鴈丘

詞並膾炙人口

正大四年十月有狂僧李菩薩者就都人楊廣道

家宿一日大寒楊與之酒李若媿無以報主人

者晨起持酒盃出聞其嚶酒聲入曰增明亭前  
花開矣已而牡丹開而花來觀者車馬間咽酒  
尊爲之一空元遺山賦滿庭芳詞記之云天上  
殷韓解羈官府爛遊舞榭歌樓開花釀酒來著  
帝王州常見牡丹開後獨占斷穀雨風流仙家  
好霜天槁葉濃氎破春柔狂僧誰借手一盃  
喚起綠怨紅愁天香國艷梅菊背人羞盡揭紗  
籠護日容光動玉聲瓊舟都人士女年年十月

常記遇仙樓

天興初元裕之從事史院時東平賈左丞益謙致  
仕居鄭州裕之就訪衛紹王逸事留二十許日  
賈問及時事裕之輒一二言之移坐接膝相得  
甚歡裕之獻詩云黃閣歸來履舄輕天將五福  
畀康寧四朝人物推耆舊萬古清風在典刑鄭  
圃亦能知有道漢廷久欲訪遺經帝城百里瞻  
依近長傍弧南候極星賈荅云見說才名自妙

年多慙政府妨賢物華天寶無今古鳳閣鸞臺  
孰後先鄭圃道尊何敢望漢廷書在子當傳莫  
言老眼昏花滿及見風鵬上九天

壬辰北渡順天毛正卿楊德秀祈仙山寺中蘇晉  
降筆寫詩數十首一詩有百偽無一真中有義  
黃醇之句餘詩除酒裏神仙我五言外多不成  
語二人初不知晉爲何代人詩爲何人作以語  
元遺山遺山曰余二十六七時有詩曰西郊一

畝宅閉門秋草深床頭有新釀意愜成孤斟舉  
杯謝明月蓬華肯相臨願將萬古色照我萬古  
心又去古日已遠百偽無一真獨餘酒鄉地中  
有義黃醇聖教難爲功乃見酒力神誰能釀滄  
海盡醉區中民今晉所批乃有此十字晉豈余  
前身耶將近時鬼物之不昧者記余詩託名於  
晉以自神也晉旣以余詩爲渠所作余亦就酒  
裏神仙我五言取償於晉因作樂府曰繡佛長

齋半生枉伴蒲團過。酒壚橫卧。一蹴虛空破。  
頰笑張顛。自謂無人和。還知麼。醉鄉天大。少箇  
神仙我。

元遺山送李參軍赴塞上長篇曰五日過居庸。十  
日度桑乾。受降城北幾千里。出塞入塞沙漫漫。  
古來丈夫淚。不洒離別間。今日送君行。涕泗流  
欲潛。生男莫作班定遠。萬里馳書望玉關。生女  
莫作王明妃。一去紫臺空珮環。我知驥子隨地



走四方。我知鴻鵠意氣凌雲端。草間只鷄亦自  
樂。扶搖萬里何能搏。一衣敝緼袍。一飯首啜盤。  
歲時壽翁媿團樂。有餘歡。縱令一朝便得八州  
督。曾如庭下彩衣起舞春爛斑。去年洛陽陌。今  
年指天山。地遠馬肩破。霜重貂裘單。胡風浩浩  
來。客子慘在顏。野狐嶺上一回首。未必君心如  
石頑。君不見衡山烏乳哺。不得須臾閑。衆雛一  
分散。慈烏四顧聲酸。塞鴈來時八九月。白頭阿

母望君還

全篇叙塞垣之景客旅之情  
謂詳悉親涉此境自不能堪

元遺山有滿江紅秋興詞曰天上飛鳥阿誰遣東  
生西沒明鏡裏朝爲青髮暮爲華髮弱水蓬萊  
三萬里夢魂不到金銀闕更幾人能有謝家山  
飛仙骨山鳥弄林花發玉杯冷秋雲滑彭殤  
共一醉不爭榮末鞭石何年滄海過三山只是  
尊中物暫放教老子據胡床邀明月  
元遺山有妹爲女冠文而艷張平章當揆欲娶之

使人屬遺山遺山辭以可否在妹張喜自往覘其所向至則方自手補天花板輟而迎之張詢近日所作應聲荅曰補天手段慙施張不許纖塵落畫堂寄語新來雙燕子移巢別處覓雕梁張陳然而出

北渡後木菴上人有一夕感興詩云輕河如練月如舟花滿人間乞巧樓野老家風依舊拙蒲團又度一年秋元裕之爲之擊節稱嘆恨揚趙諸

公不及見之

元遺山嘗有錦機集指授學者晚年力以國史爲  
已任乃搆野史亭於家允金源君臣言行記錄  
至百餘萬言書未就而卒高唐閭靜軒復挽之  
曰蕭寺秋風捲玉荷月明人影共婆娑誰知別  
後驪駒曲便是先生殢露歌野史夜寒虫蠹簡  
錦機春暖鳳停梭祗應前日西州路常使羊曇  
忍淚過

堯山堂外紀卷六十七終